



古今詩刪卷之二十九

濟南李攀龍

吳興徐中行

門人新都汪時元校刻

明七言律詩

楊慎

太華山歌

太乙終南培塿開。洪河清渭繞行杯。日華先照蓮花上。雲氣常從仙掌來。高穿箭括通天路。俯

古今詩冊 卷二十九
一
瞰明星玉女臺。冷冷風馭不可駐。降望大壑心
悠哉。

李君偕過臯橋新居言別

沙門草閣對漁舟。坐俯昆池萬里流。蕭索暮途
猶浪迹。登臨暇日豈銷憂。阮公失路誰青眼。江
令還家尚黑頭。行見群英滿青瑣。寧忘一老在
滄洲。

唐順之

上張相公

帷中運策九州清。其道留侯在漢京。賜第近連
平樂觀。入朝新給羽林兵。儒生東閣承顏色。酋
長西羌識姓名。却望上台多氣象。年年常傍紫
宸明。

元夕詠水燈

初憐火樹鬪春妍。忽見清輝逼夜闌。出海鮫珠
猶帶水。滿堂羅袖欲生寒。燭花不礙空中影。暈
氣疑從月裏看。爲語東風暫相惜。來宵猶得盡
餘歡。

古今詩冊 卷二十九
陳明

胡逸人劉使君夜訪

竹屋茅堂曲巷幽。何堪仙馭下丹丘。無人再識
柘源路。有客同登雪夜舟。明月隨君還自去。清
樽爲我更相留。蕭條湖上看秋色。十載高吟共
白頭。

朱衡

登海曙樓

高樓百尺插空青。檻外諸峯列畫屏。漢署星辰
移北極。海天風日壯南溟。譯人歲至諳夷語。戰
舸秋深驗水經。却倚危欄時極目。炎荒銅柱接
冥冥。

靳學顏

九日龍岡奉同王大夫僚長

荒臺九日倍淒涼。駟馬雙旌度石梁。望嶽鐘聲
初應節。洞庭木葉盡飛霜。予家魯水空凝望。君
指秦川是故鄉。倚閣斜陽正愁絕。不知黃菊爲
誰黃。

古詩集 卷二十九
三
。草橋即席寄以騰

舊國春深草似烟。年年此際對離筵。纔聞柳外歌三疊。已識尊前路五千。劍閣啼猿梅雨夜。錦江駐馬麥秋天。從今莫問西來鴈。縱有風翰不到川。

王維禎

。原州鎮西樓劉公讌集

危樓真倚白雲間。霧堞陰陰合萬山。地險胡塵空絕漠。天遙漢壘接重關。樽前劍罷鏡笳起。塞上年來虎豹閑。壯觀平生今更幾。坐高明月不知還。

。送柯公移鎮河南

年來烽火徹秦關。募士徵兵不暫閑。地重祗須馮異守。節移難借寇恂還。旌旗龍避三河水。斧鉞花迎二室山。梁國舊傳多俠客。知君定訪夷門間。

許應元

。奉和汝承上清宮

古今詩冊 卷二十九 四
清溪樹外羽人宮。員嶠方壺在域中。丹竈雲標遺漢劫。石橋海上與秦通。松間舊聽郎官履。花下應迷使者驄。爲有相如大人賦。飄飄此意欲陵風。

侯一元

。贈王督學

長江千里白波來。畫舸風輕五兩催。新雨曉看雷澤漲。冰壺秋映洞庭開。洲前落月聞湘瑟。峽外飛雲見楚臺。辭賦郢中應一變。漢家方重馬

卿才。

俞憲

。登城閱士

旌旗四面接遼城。霜落高秋紫塞清。五路雲霞連海氣。千家砧杵奪邊聲。射鵬不數呼韓部。奪馬今知嫖騎名。東望扶桑一長嘯。臨風真有挂弓情。

朱曰藩

。清明揚州道中憶王端公

古今詩集 卷二十九 五
江花江草淨春烟。北望空懷乘興船。水國人家種楊柳。清明士女競鞦韆。客厨未乞龍蛇火。旅食偏催犬馬年。遙想風流王柱史。西臺銀燭柘枝顛。

余文獻

送少司成朱子之金陵

鍾阜龍盤赤帝庭。更從北斗借文星。燕臺仙侶憐雙管。白下諸生有陸經。璧水細通玄武曲。講堂朝對孝陵青。請看梧栢參天處。翠輦當年竟

日停

劉景韶

九日携具要鐺將軍迷閣登高有懷

蓬萊閣上劍譎豪。縱酒聊舒百戰勞。漠北金河歸鴈斷。塞南銅柱拂雲高。尊前霜菊浮隋苑。亂後秋砧雜海濤。却笑牛山空墮淚。風塵天地屬吾曹。

劉爾牧

漫興

古今詩冊 卷二十九 六
意氣橫生醉後歌。少年猶自說三河。風塵極目
須長劍。雲水關心寄短蓑。霄漢只今饒雨露。窮
途仍是戀陽和。春來莫笑柴門僻。庭樹開花滿
舊柯。

謝榛

送龔侍御之南都

萬里天風吹鐵冠。三吳秋水正漫漫。匣中星動
劍光白。帆外霜飛江色寒。鴻鴈早傳瓜步信。芙
蓉還傍石城看。南都賦就應相憶。明月孤樽坐
夜闌。

送顧天臣還吳

樽前潦倒送飛鴻。別賦兼秋轉自工。白壁在懷
驚氣色。黃金隨意見英雄。天低鄴下長揪樹。霜
落淮南老桂叢。此去阿蒙人借問。風流非復舊
時同。

送李別駕宗器

一樽聊醉濁河濱。老去相知更幾人。趙瑟離聲
逢雨雪。郢歌高興得陽春。自憐索駿堪酬主。不

古今詩冊 卷二十九 七
是連城豈致身。北上即今天只尺。佩刀寧復久
風塵。

間居張伊嗣見過

鄴都形勝帶衡漳。風土相依即故鄉。間到白頭
真是拙。醉逢青眼不知狂。城雲無色日將暮。籬
菊多花天有霜。世事憑君休浪語。此中高卧意
何長。

秋日寄皇甫水部兼呈子循別駕

聞君遙自楚天來。一到梁園見賦才。搖落舊尊
悲屈宋。寂寥今復弔鄒枚。黃河蕩日寒聲轉。嵩
少連空遠色開。何事弟兄俱謫宦。西風愁對菊
花杯。

寄懷陸汝成

花前樽酒度清霄。夢到春江萬里橋。明月下連
秦塞迥。白雲秋盡蜀天遙。自憐詞賦成多病。君
有聲名起聖朝。應對青山吊楊馬。騷魂千載
復誰招。

奉懷于鱗

古今詩冊 卷二十九
十載交游滿薊門。浮雲回首幾人存。古來意氣誰當合。老去文章爾共論。北極寒星搖短劍。西山暮雪照青樽。于今尚醉平原館。何日能酬國士恩。

黃姬水

寄張幼于吳山讀書

十載東林塵外蹤。漁歌樵唱上方鐘。詩成盡染烟霞色。性定應同土木容。破戒常持社中酒。捐囊曾買路傍松。重谿迴壑猶嫌近。更上吳山第

一峯

吳擴

崔駙馬山池

平陽池館接青霄。蘭苑瀛洲路不遙。帝女巧將霞製錦。仙人長以鵲爲橋。樓前疊石雲生座。洞裏探梅雪滿條。詞客慣來陪賞洽。月明酣聽鳳凰簫。

黎民表

奉訪于鱗郡齋

古詩冊 卷二十九 九
揖客龍門意未輕。北來風雨暗孤城。青山不斷
檐帷色。濁酒深知傲吏情。豈謂漢庭踈汲黯。翻
令渤海重王生。漫從華髮悲留滯。岳牧于今有
大名。

許邦才

靈巖寺

澗壑縈廻繞梵宮。諸天色相坐來同。岩崖陰積
千年雪。鈴鐸霄聞十里風。寺抱五雲金界麗。塔
銜孤月玉毫空。石僧東嶺緣何事。似指蓮花問

朗公。

除夕

萬山深處石城闈。解字荒涼積網塵。鳥雀不疑
隨坐起。烟嵐常爲染衣巾。恩懸北極天邊日。家
在東陵海上春。乍客異鄉兼歲暮。倍添華髮鏡
中新。

于鱗宅送江山人

良夜琴尊興不孤。蕭然行色嵒山湖。天涯芳草
思公子。雪後春風戀酒徒。那惜十千供舉白。從

古今詩冊 卷二十九
來百萬判呼盧。河橋楊柳誰堪把。况復梅花正
滿途。

。白雪樓二首

新題銀榜象蓬萊。浮動高寒見楚才。宋玉至今
無和客。馮馬卿元自有琴臺。洞庭黃鶴凌秋度。荆
表清漳繞檻來。得似詞豪開絕唱。岱雲春樹日
徘徊。

。其二

郢人高唱海西臺。氣味同稱絕代才。客自藐姑
山裏到。春從巴蜀水中來。時看玉樹三秋色。遙
接金莖片月開。顧我梁園慙授簡。憑闌忽憶此
銜杯。

殷士儻

。賜見東宮於臨保室 賜酒饌謝恩

詔許東朝謁帝儲。瑞雲縹緲護齋居。重輝快覩
前星彩。異渥叨承湛露餘。卜曆已知同海岳。食
珍深媿報瓊琚。佇看講幄虛延問。日覲龍姿侍
直廬。

古今詩集 卷二十九
李先芳

雲岑閣

天畔登樓俯翠屏。萬山迴合抱岩扃。城隣虎豹
風蕭瑟。地擁雲岑晝杳冥。雨後嵐光搥粉黛。潮
來江氣動青萍。憑高已覺鄉心切。何處秋蟬不
可聽。

玉峽山練中丞祠

玉峽高臨渝水陰。南臺遺廟未全沈。亦知六駕
飛龍日。自表孤臣扣馬心。白石齠齠江底見。三
峯矗矗雨中深。百年松檟凋零盡。荒塚殘碑何
處尋。

滕王閣

高閣嶙峋攬上游。還將歌舞向東流。憑軒作賦
何年事。遠水長天萬古愁。鳥外片帆生極浦。雨
中芳草遍青洲。江湖滿地無舟楫。天畔何人獨
倚樓。

送沈太守之潯州

萬里褰帷豈薄遊。鬱林虎竹漢諸侯。郡隣勾漏

古今詩集 卷二十九
三山迥城壓黔江。二水浮。卧閣倦題青玉案。行
春遙繫木蘭舟。蠻烟瘴海鴻難至。珍重炎方桂
樹秋。

送王侍御巡甘肅

君王西顧重籌邊。繡斧衝寒出酒泉。絕塞倒懸
青海月。長風吹斷玉門烟。羗兒夜奏燉煌樂。宛
馬春嘶苜蓿天。何用先聲報鞬。且霜威昨已到
秦川。

太液池春望

金海恩波向曉凝。玻璃千頃碧澄澄。半空夜落
明河水。二月春流太液冰。帳殿樓船天上坐。御
溝楊柳鏡中凭。廣寒更出蓬瀛外。百丈虹橋挂
玉繩。

送李于鱗入覲

使君符竹下邢臺。雙闕崢嶸北望開。禹貢九州
元會日。漢家三輔出雄才。流澌臘月催寒盡。殘
雪春山積翠來。此去朝正應有賦。天涯綵筆共
誰裁。

白燕

昭陽宮裏洗新妝。粉黛三千在斷腸。不是樓臺涼似水。那教毛羽化爲霜。河邊度影銀生色。花裏啣泥玉作香。莫向衆中誇素質。蛾眉妬殺雪衣娘。

王世貞

懷于鱗

燕京歲晚競鳴珂。郢雪春來幾和歌。尚有乾坤容汝在。空留日月向人過。雲橫大麓低平野。天拆飛流墮濁河。蒲目黃金饒漢吏。千秋屈宋自堪多。

奉謁長陵敬志鄙感

長陵松柏似龍蟠。象緯高垂列漢官。萬里乾坤留劍鳥。百年豐鎬見衣冠。只今南粵虛傳譯。聞道西羌未解鞍。文帝威靈終在眼。秋來霜露不勝寒。

病甚懷于鱗

蕭條落日罷銜杯。寒入楓林夢乍迴。我已河山

古今詩冊 卷二十九 十四
其付骨汝從天地更論才。途窮萬事輕相讓。意
盡千秋莽自哀。藥餌漸扶雙眼在。未煩驚策素
車來。

送張戶曹出計百粵暫如銅梁

薊門擐甲待胡烽。海內軍須不自供。赤羽去隨
新使者。黃金歸隸大司農。界標銅柱天垂盡。人
度蒼梧瘴幾重。聞道壯遊仍畫錦。春來車馬入
臨邛。

于鱗至分韻二首

把酒千門朔思生。太行高望照天京。道傍燕石
畫俱隕。匣裏并刀風自鳴。遂有群靈開黯淡。即
看五馬頓崢嶸。相違歲月無勞數。屈指人間幾
大名。

其二

自擬仙舟問李膺。濤聲寒壓九河水。愀然嘯日
思雄劍。忽爾垂天至大鵬。過客傳書成詛楚。憐
于頌酒尚如澗。請看寂寞萃陽館。海內何人有
代興。

古今詩冊 卷二十九 十五
贈于鱗

醉爾春風金屈卮。忽看山岳坐來移。停鞭欲盡幽州色。立馬愁聽出塞辭。我自青雲甘薄宦。誰當白雪問相思。蒼茫大陸頻回首。日暮乾坤未可期。

寄送于鱗

舞劍鳴笳出薊門。停驂回首視中原。病餘丘壑吾仍在。別後風塵爾更尊。豈爲衣冠成落魄。向來詞賦失銷魂。何人泣抱陵陽石。車馬紛紛未

可論。

于鱗郡齋

飛傳霜橫九塞戈。爲君風雨又滹沱。相憐白壁燕山盡。未有黃金漢詔過。坐客尊醪初北海。郡人經術似西河。不知清羽頻移調。蕭颯城頭落木多。

于鱗郡閣

使君杯酒一登樓。倚檻蕭條落木愁。不盡天風吹大陸。何來山色滿邢州。匣中星動雙龍夜。柝

古詩集卷二十九
十六
裏寒生萬馬秋。爲問郡齋諸記室。幾人能並李膺游。

春日雜懷二首

故人相慰檄書稀。又見徵兵解越圍。敢向東方誇賜履。可因南國賦無衣。家家砧杵鳴春日。處處戈船繫夕暉。聞道封侯須健手。羽林生長自輕肥。

其二

閩嶠除書問莫悲。豫章遷客正相思。但令懷璧俱堪罪。何用投珠始見疑。天外風流名士盡。鄴中星散舊游知。祇緣吾在能株累。漁海樵山任所之。

答張幼于

十年曾識鳳凰毛。回首風烟夢寐勞。書到關河雙玉案。賦成湖海一綈袍。握中明月誰相貴。曲裏青山且自高。聞道漢庭推仲蔚。莫令秋思滿蓬蒿。

懷于鱗兼寄子與二首

古今詩冊 卷二十九 十七
紫氣函關客。迎誰堪起舞。應雞鳴。千年泰華
東西色。萬里江河日夜聲。自是文章生骭髀。豈
容吾輩擅崢嶸。猶憐奉使還。徐幹車馬無心老
漢京。

其二

漢省逶迤十載餘。即看高議主恩虛。何人北海
憐精衛。有客東門類爰居。事往交游工變態。時
平偶語畏詩書。亦知身外元萍梗。泛泛江湖恣
所如。

提兵安東海上大閱

親提千騎向東方。劍客黃金盡解裝。桃葉初明
珠勒馬。梨花半點綠沈槍。拍天濤擁軍聲合。駕
海雲扶陣色揚。北闕尚虛南越首。何人先領伏
波章。

登岱二首

軒轅皇帝有高臺。鞭石千秋輦道開。匹練天縈
吳觀出。金泥日射漢封回。西盤瓠子河如帶。東
挂扶桑海一杯。誰爲登壇論王氣。祇應塵世有

古今詩冊
卷二十九
仙才。

其二

尚憶秦松輦路傍。至今風雨鬱蒼蒼。千崖忽敞
中原日。六月長飛使者霜。在昔鈞天青帝座。即
今封禪白雲鄉。茂陵書就應猶渴。自有池頭玉
女漿。

和于鱗登太華山

落日中原太華陰。携秋色獨登臨。俄添嶽掌
蓮峯峻。忽入關河氣水深。六著仙人邀對博。三

漿玉女醉還斟。誰憐此地餘秦觀。西望雙懸萬
古心。

以吳絳酬于鱗

故人三徑新蓬蒿。鴈門太守徒爾勞。斗酒風塵
白日薄。椽書海岱青天高。念欲報之吳綺帶。何
以遺余秦複陶。千秋衣被各無限。世途徃徃稱
綈袍。

答于鱗

歲晏天高首重迴。中原萬里一書來。崢嶸未病

驚人筆黯淡長浮避客杯。鴈後江湖開氣象，燈前風雨失時才。自憐身隱文焉用，縱有微吟嬾向裁。

再答于鱗

客有將歸金錯刀，暮雲寒色動江皋。故人知未馴龍性，小弟憑誰與鳳毛。名盡酒狂羞自若，病來詩態任兒曹。相聞不淺填箴思，莫放陽春調轉高。

白雪樓二首

平楚蒼然萬木齊，嵯峨飛閣岱雲低。峯頭玉蕊春長在，檻外金莖夜不迷。賦就梁園無左席，書來郢曲有新題。何人強責元龍禮，不遣清樽我輩携。

其二

伏枕清秋海岱邊，高樓中壁頰蒼烟。同雲不盡千家曉，寒月長開萬古妍。天上幾看新玉樹，山中端合老朱絃。誇他信美非吾士，句就還應兩地傳。

古詩冊
春日同張幼于輩過黃淳父

塵尾玄言日未斜。隱囊匡坐自煎茶。尊前白雪中郎調。屋裏青山處士家。千里驥心降付酒。十年蓬髮怯看花。浮生幸有江湖在。莫遣風塵負歲華。

春日集于鱗

辛盤柏酒故人携。醉裏無愁白日低。歲序風塵俱自失。吾曹天地豈堪齊。吟揮萬象春誰在。把照千門夜不迷。詰旦如聞周太史。何來雲物

帝城西。

楊繼盛

送徐子與讞獄江南

楊時在獄

寥落白雲庭。半虛有功此去更何如。西曹月滿幽人榻。南國星隨使者車。塞鴈不堪行。又斷秋風。况是葉飛初。秣陵故舊如相問。爲道踈狂病未除。

大風中王元美年兄賜顧言及先寄詩扇未到

古今詩刪卷之二十九
陰陰朔氣滿皇州。烈烈悲風暗鳳樓。吹合凍雲
低欲暮。俄添寒雨更生愁。豈緣結襪知廷尉。莫
以鳴琴問楚囚。聞說右軍曾遠寄。無因珠玉好
誰投。

古今詩刪卷之二十九

古今詩刪卷之三十

濟南李攀龍

選

吳興徐中行

訂

門人新都汪時元校刻

明七言律詩

王世懋

。奉荅于鱗見贈之作

江上秋空度羽翰。故人千里問加餐。齊紈忽破
吳門色。郢雪長飛海國寒。句裏青山堪自遠。篋

古今詩冊 卷三十一
中明月。傍誰看。思君獨夜狂歌發。轉向交游把臂難。

寄題白雪樓二首

青山卜築傍松筠。此日南樓屬興頻。地敞風雲懸自合。天橫海嶽望常新。樽前色借齊宮曉。賦裏聲回梁苑春。莫怪鹿門常謝客。未堪雙眼向巴人。

其二

西北高樓天際看。美人清夜自憑闌。悲風忽送雙鴻起。飛霰遙從萬樹殘。綵筆縱橫搖岱色。綈袍蕭瑟上春寒。登高莫作江南望。郢曲于今和正難。

大司寇顧公池亭

卜築秋高萬壑陰。空山白髮著書深。長松老作虬龍態。古磴閑從薜荔侵。西望吳門縈匹練。東廻箬水寫鳴琴。開尊重借儒生色。倒屣誰酬國士心。

懷明卿

詞客漂零自古今。天涯薄宦且浮沈。三川地敞
中原色。二室秋高大陸陰。束帶風塵摧傲骨。褰
帷落日佇雄心。河陽幾度看花發。遮莫潘郎鬢
已侵。

徐中行

北郊卧病不赴齋宿屬元美諸人並移
病因賦

仙臺玉漏靄沈沈。遙望金莖祗自吟。司馬文園
長病肺。漢皇宣室正齋心。高城過雨疑秋早。閒
館焚香坐夜深。何事故人俱伏枕。虛傳載筆賦
汾陰。

射陽湖逢子相北上醉別

邂逅長安舊酒徒。張燈夜醉射陽湖。斗間劍氣
雙龍合。江上濤聲萬馬趨。病起適逢枚叔賦。狂
來重入步兵厨。明朝挂席還南北。回首長淮月
色孤。

喜于鱗至

只尺關門紫氣層。潯沱千騎踏寒冰。褰帷雪色

古今詩冊 卷三十一
迴雙闕。擊筑春星動。五陵肝膽詎從詞。賦見聲名。或藉璽書增。亦知元禮龍門迴。却怪當年醉裏登。

送元美出塞

柳色春深五鳳城。明光使者授長纓。風雲六傳從天下。鼓角千山出塞行。豐劔畫摧恒岳色。郢歌秋折大河聲。何人爲掃燕然石。萬古寧留爾輩名。

送于鱗還郡

計吏雄才寵漢官。還驚五馬出長安。壚頭春入燕山色。七首風生易水寒。三輔黃金明主問。千秋白雪世人看。太行不厭高齋客。橫笛休吹行路難。

李伯承諸子見過

病客都門卧寂寥。群公何意問綈袍。風塵賴汝開雙眼。湖海憐余改二毛。落日五陵寒擊筑。浮雲萬里過持螯。酒闌共指談天處。北斗遙連碣石高。

元日簡黎惟敬

天涯回首跡俱陳。雲物長安歲自新。托興梁園
唯我在。倚歌燕市更誰親。風塵一病生華髮。劍
佩連朝隔紫宸。吾黨漂零君自見。相逢寧惜賦
陽春。

表臺同諸僚友燕集

表臺高出頰儒林。叅佐乘春此盍簪。自得范傍
唯畫諾。不妨羊祜數登臨。高山近接真人氣。汝
水深知傲吏心。倒著接羅從客笑。使君今已二

毛侵。

寄題李于鱗白雪樓二首

寥廓誰論碣石宮。千秋作者此樓中。自非海岳
開天造。安得文章有國工。撫軫陽春迴黯淡。揮
毫寒色散鴻濛。杜門莫怪常高卧。郢調人間未
易同。

其二

駘蕩深知宋玉才。層樓倚岱宗。開月含雙掌
雲邊出。濤擁三山海上來。梁苑賦成誰授簡。郢

古今詩集 卷三 五
中歌罷自銜杯。側身東望飛揚甚。乘興焉能信宿廻。

汝寧表臺作

蒼然一望盡中原。天柱高標逼斗垣。清夜衆星臨汝潁。黃河分派出崑崙。風前獨立南陽嘯。花下頻開北海尊。授簡使君文雅地。何如枚叔賦梁園。

寄荅廣陵歐文學

歐南海人

蕪城客夢滿江皋。千里懷人尺素勞。篋裏夜光南海月。賦中秋色廣陵濤。談天寧復如燕市。翫世何妨似馬曹。念爾最憐中散調。知音寥落好誰操。

戚希仲楊伯章二禮部携酒夜過同于鱗賦

三謁承明且未廻。十年詩社此新開。携樽黃菊重陽後。並馬青雲二妙來。潦倒繆曾題漢柱。文章終自起燕臺。省郎星聚元非客。太史明朝莫漫猜。

古今詩集 卷三十一 六
吳國倫

于鱗上計且至病中志喜

聞君五馬度潯沱。相望檐帷雨雪過。獻璧親承天子問。賜金誰似大夫多。書來一判呼盧醉。病起猶堪擊劍歌。此地重逢關象緯。不知寒色掩鳴珂。

鄱陽湖

欲向匡廬卧白雲。宮亭水色晝氤氳。千山日射蛟龍窟。萬里霜寒鴈鷺群。浪擁帆檣天際亂。星臨吳楚鏡中分。東南歲晚仍鼙鼓。莫遣孤舟逐客聞。

屠使君高齋

廬州郡閣與雲齊。卧閣停雲白日低。峯擁耆闍浮海上。地臨金斗壯淮西。相看春色杯應滿。况是風塵手共携。莫問年來遷客路。乾坤處處使人迷。

寄于鱗

萬里悲風吹暮笳。逐臣猶自傍京華。裁書欲寄

古今詩冊 卷三十一 七
孤生杜謝病。曾營五色瓜。馬上山明。青海月。夢
中春老。赤城霞。可憐舊社諸兄弟。只似河橋楊
柳花。

元日同諸守臣從孫侍御行朝正禮于
郡中

濯錦池頭曙色催。孤臣春夢五雲回。仙班彷彿
旌門入。淑氣氤氳帳殿開。日近中峯呼萬壽。天
依北斗望三台。誰從野外嘲綿蕞。御史今簪白
筆來。

德州徐憲使汝思招飲

岐路巾車避客過。平原春色奈君何。論文豈敢
咻齊傅。對酒聊能縱楚歌。風起鴈聲寒赤塞。沙
蒸日氣暝黃河。不辭永夜呼盧醉。此會乾坤總
未多。

同張肖甫遲徐汝寧於大梁

上國傳書已暮春。襜帷幾日度河津。重逢漢吏
分符處。合是梁園授簡人。詩句小能酬造化。酒
杯深自解風塵。中嵩雲氣平臺月。便欲持之贈

古今詩冊
卷三十一
八
所親。

宗臣

明卿席上賦

白馬黃金事冶遊。薊門春色總堪留。一尊破爾
青山夢。萬里懷人落日愁。鸚鵡舊悲湘客賦。鱗
鱗初典漢臣裘。酒闌忽聽孤笳起。腸斷胡雲出
塞秋。

同元美集明卿

清秋此日滿長安。那肯過逢不夜闌。風雨忽隨
雙騎到。薜蘿相對一樽寒。愁心獨有中原在。俠
氣君從北斗看。戎馬關山餘涕淚。十年空負漢
臣冠。

集子與

七首如霜照客顏。相逢俠客滿燕關。荆軻西去
此其輩。易水東流不復還。天地只今搖赤羽。江
湖何處問青山。悲歌忽憶金門隱。與爾逍遙供
奉班。

古今詩冊
卷三十一
八
登觀音山

古今詩冊 卷三十一 九
一上孤峯眺大荒。吳山楚水共蒼茫。雲間棟宇
垂天渚。江上鼉鼉吹石梁。絕壁晝開風雨色。斷
崖秋挂薜蘿長。吾將從此尋瑤草。黃鶴翩翩歸
帝鄉。

登景山落霞亭

搖落青楓此上臺。石門雙磴倚崔嵬。河流南注
崑崙坼。龍氣西看芒碭摧。十月衣裳寒杵急。孤
城睥睨暮笳哀。故山麋鹿還誰主。楚水淮雲首
重回。

梁有譽

燕臺感秋

薊北風烟驚壯心。感時偏覺二毛侵。功名空羨
虞卿璧。世事徒高季子金。戰後關山生暝色。雨
餘城郭澹秋陰。即看節候堪杯酒。徒倚聊爲越
客吟。

燕京感懷

鹿塞戈鋌血未乾。龍庭烽火報長安。擬擒可汗
先開幕。欲拜嫖姚更築壇。青海月明胡馬動。黃

榆風急。皂鵬寒。材官羽騎多如雨。夜夜旄頭倚劍看。

送莫祠部督學貴陽

獻歲星輅出漢京。南中鳥道入雲平。遙經遷史浮湘處。肯讓文翁化蜀名。戀闕夢懸春署月。登高詩滿夜郎城。莫嗟萬里風烟迥。攬轡應憐報主情。

送羅山甫還潤州

羅含長嘯出燕都。負笈空裁五岳圖。搔首風塵悲燕雀。浪遊詩卷滿江湖。人憐玉樹秋雲遠。家對金陵海月孤。爲問戴顓樓隱處。烟霞還似昔年無。

送陳山人自真州還越中

客子將歸夢若耶。烟波深處隱淪家。相逢一滯淮南桂。別後應迷洞口花。瀑布晴搖青嶂雨。飛梁朝映赤城霞。越中山水多佳麗。莫嘆漁樵老歲華。

高岱

古今詩冊
卷三十一
十一
中秋集張子畏宅

風吹明月散千家。漢闕金莖綴露華。砧杵秋聲連鴈塞。關山夜色滿龍沙。元規興劇南樓宴。博望名懸北斗槎。白髮高堂今夕夢。應憐遊子滯天涯。

送張駕部憲使赴四川

高城鼓角動秋聲。萬里憐君擁傳行。巫峽雲烟詞客興。巴山風雪故人情。壯心豈謂燕臺迥。清世還看蜀道平。魚復陣圖遺蹟在。相逢他日聽

論兵

汪正叔席上對菊別子畏

清霄虛館絕紛華。霜滿高城咽暮笳。尊酒放歌俱白雪。風塵愁髮又黃花。幽懷共擬淵明宅。遠道堪憐博望槎。此去逢春多塞鴈。莫言巫峽是天涯。

秋夜送梁舍人奉使便道歸嶺南

沈沈宮漏夜霏微。風灑離愁動客衣。仙掌乍分秋色去。征帆遙帶月明歸。路經庾嶺梅花發。天

入衡陽鴈影稀。尊酒薊門須盡醉。明朝空惜故人違。

冬日戴金吾園亭

朔風吹雪晝冥冥。車馬聊因訪戴停。尊酒喜逢談劍地。圖書疑是草玄亭。髮從久客愁邊白。竹向幽人句裡青。却憶江南空別業。移文今愧北山靈。

送徐荊州

中原形勝古荊州。露冕看君此壯遊。十載共淹長樂浦。一麾今賦仲宣樓。雲開夢澤浮空盡。天倒巴江入楚流。應念故人頭盡白。風塵獨自滯貂裘。

羅戶部使黔蜀

長鋏清尊賦遠征。燕臺冰雪不勝情。關山萬里勞輸輓。天地頻年苦甲兵。飛蓋曉星凌劍閣。孤槎秋水泛昆明。當時王馬風流藉。復爾雲霄重此行。

陳憲卿兵備井陘

古今詩冊 卷三十一
大漢雲生接太行。鳴蟬芳草動離觴。十年帷幄
籌邊苦。此日旌旗出塞長。天作重關嚴虎豹。人
從三輔避風霜。高秋泝水寒烟盡。爲訪淮陰舊
戰場。

魏裳

萬章甫兵憲滇中

仙郎擁傳出燕關。開府西南控百蠻。萬里烟濤
青雀舫。千秋詞賦碧雞山。主恩題柱雲霄上。
時難論兵天地間。春到昆明懷漢苑。幾回鳴玉

共朝班。

送高伯宗還楚

文園多病轉相親。搖落秋風白髮新。寂寞潘輿
傷往賦。淒涼郢調倦。游人雨聲萬壑懸。江樹暝
色孤帆落漢濱。此去烽烟開北極。側身天地更
沾巾。

懷子與

頻年烽火近長安。關塞蕭條行路難。亂後客心
愁裏折。別來書札夢中看。玄經草罷時名左。白

石歌成夜色寒。明月五湖堪欲滿。懷人千里正
凭闌。

送孫大宗伯之金陵

仙掌高寒曙色開。尚書曳履下蓬萊。望懸北斗
時。名重地入金陵。王氣迴。獻納久傳三殿疏。風
流真羨兩都才。已知門下侯芭遠。問字何人載
酒來。

夏夜于鱗山樓

濁酒高樓暑自清。凌雲詞筆意崢嶸。星辰倒挂
青萍色。山水涼生綠綺聲。賦入其泉通御氣。人
傳河朔見交情。知君庾亮多幽興。長嘯胡牀坐
月明。

春夜與于鱗宿龍洞山同賦

握手千山意獨親。飛揚不似在風塵。彩毫自照
驪珠色。綠酒還傾郢雪春。芝草舊傳安漢客。桃
花猶識避秦人。途窮且莫悲車轍。一醉能令萬
象新。

白雪樓

古今詩冊 卷三十一
鄧調淒涼思轉幽。卜居還倚鮑山丘。乍疑海氣能爲屋。不道仙人獨有樓。乘興好看明月上。登高長嘯白雲秋。琴心自在誰堪識。且聽巴人下里謳。

汪時元

天目先生青蘿館集得湖字

屋裏烟霞逼畫圖。山中歲序過薜蘿。開樽暮雨來三徑。染翰春雲出五湖。白髮有誰工說劍。黃金且自判呼盧。相逢意氣仍相許。總是高陽舊酒徒。

滄溟先生起家觀察浙江

秦岳清風梁甫吟。函關真氣復南臨。千秋禹穴探書興。一日龍門御李心。湖海向甘雲卧穩。乾坤難負主恩深。若教司馬文園老。誰爲誇胡賦上林。

鸚鵡洲吊禰衡 洲今沉江矣

黃鵠磯頭日夜聲。似猶鸚鵡賦初成。于今明月懸江漢。何處芳洲問禰衡。古木一川秋色盡。寒

古今詩冊 卷三十一
十六
濤千載暮烟生。臨觴忽有悲風起。激楚陽阿氣未平。

○登黃州赤壁

此即蘇子瞻行樂處而猶有破曹赤壁在嘉魚焉

峻嶒赤壁倚烟霄。伯氣冥冥入望遙。兩賦山川名後世。三分天地見前朝。橫江浪湧如相待。縱酒風流可再招。徙倚不堪搖落後。武昌南去更蕭條。

釋來復

○遊石湖蘭若

荷花蕩漾湖水深。上有蘭若當高岑。客吟時見猿鳥下。僧定不聞鐘磬音。雨香秋林橘子熟。雲落空澗棠梨陰。閒來掃石坐竹裏。靜與山人論素心。

古今詩冊 卷三十一
古今詩刪卷之三十



